

Nagackadadiwin kidji pejigoteheckagewin

Mi owe nitan inakonigewin e wi tibakonigewin takonewiwin tibakonigewin. Kidji animodagadek kidji mamadjiwidek acitc kidji minodehik ka kajibidamotc kawi tibakonenaniwak odji. Owe dac nagackadadiwinkidji animodamin adi ka ijiwebizowin kadak awiyek e tetc.

MIKWAMIWINAN:

Ki widjihik awiyek oma la mikimotc, mi owe ke kagwe mikwamin:

- kidji kacka animodamin acitc kidji nodamin kodak ke inenidak;
- Koka adi ka ijiwebizowin adi acitc pepejik e inenidamowatc ka nakondidjik;
- koka kidji mino apenimowek;
- nanigodin kidji wawejitogadek e minawatc ijiwebik.

TCIBWAMICI:

Tcibwamici kidji nagackidadowin, kiga kackiton kidji emiwitc ka widokagowin, kidji nikwetek adi ke iji kagwedehin acitc ka odamenindamigowin.

MEGWATC:

Aji e nagackagowin pejigoteheckagewin odji, ka inenidagoziwatc o kackitonawana kidji widjiwaganiwitc win ka iji wenicetc.

Takonewini kona got ka waki ijiwebizotc ka mikomotc kawin inenidagozisiwin kidji patcokonetc ka mikowagetc.

Apin gotc, ka pejiteheckagetc kidi te kidji pekatec kidi mino emidinaniwak. Ke ikidinawak kawin kidi sagidjibidesinon.

APITC:

Kicpin kacka nakomidinaniwak, tabiskotc kida ojibigewok kidji kibamawatc tibakonigewina

Kicpic dac, panima medjitwewini kida inakonige adi ke ijisenak tibakonigewina: o kacka kiban kona kikenidamiwina takonewiwin kidji mino inendagozindjin.

Kikenidamiwina takonewiwin kidji mino inendagozindjin

Medjitwewini o kackiton kidji kikenidagadenak odji kakina awiyegok; nibowin kona apinenwaganitc awiyek, kidji panagetc takonewini kona ki kitci ijiwebak. Kikenidamowin wewenida wi kijigabdjigade adi ka ijiwebak. Awedi dac ka kikenidak oga nagickawan kakina kagi wabidamowatc acitc kakina kagi mojjiginigadenak kidji mino kikenidak adi mawa ka ijiwebinak. (ojibiganan, mazinesidjiganan kodak kegonan).



ICKWA APITC:

Ickwa nadi kikenidjigadek ka ijiwebak, Medjitwewini kida wenice ke nijinonan

- **kicpin agwa tabisek tebweyenindagwak Medjitwewini kidji tibakonegewin**, kawin kida ikido. Kicpen sa, kiga ojibiyamago adi ka iji wenicetc wegonen acitc. Ki kackiton kiyabitc kidji kagodewin monawatc kidji kijigabidjigadek kagi iji wenicenaniwak.
- **Kicpin dac tagok tebweyenindagwak kidji kacka tibakonigewin**, oga aton kidji ijinajamowadjin mazinihigana ka mamawi mikadamowatc ka kijigabidamowatc takonewiwin kidji mino inendagozindjin. Medjitwewini oga pagidanan tebweyenindagwak kagi mawadjitotc kabi ikidinaniwak, adi ka mejidjigewatc kidji nidatawaganiwak. Kagi tibakonaginiwatc o kackitonawa kewinawa kidji tibatjimowatc adi winawa ka iji wabidamowatc acitc kidji kacka nakwiwatc adi gotc ka iji ayamawatc.

Ka mamawi mikadamowatc ka kijigabidamowatc takonewiwin

TIBAKONEGEWIN NAGATAWENINDJIGEWIN

Ka mamawi mikadamowatc ka kijigabidamowatc takonewiwin owe Tibakonegewin nagatawenindjigewin.

TIBINAWEWI

Tibinawewi kawin takonewiniwina kawin Medjitwewinin o tibenimagosin.

KIPIHOWAN KAKINA AWIYEWIN

Mi ijatatc kidji kipihonadjin kakina awiyewin.

WENICEWIN O NADITAN

Ka iji ininamawagodjin Medjitwewinin panima dac kicpin , pepejik nanibikwewina, ki noswadjigadenak takonewiwin kidji mino inendagozindjin Quebec aki kak.

ANIMIHIWEWIN

Acitc o gajigabidan wegonen animihiwewina mahiya ke anwenimagetc, acitc kidji noswadak takonewiniwina inakonigewina.

Tibakonigewin takonewinini kidji mino inenidagozitec megwatc e mikimotc

Panima kiga ojibiyani e wi tibakonitc.

Kicpin dac wida kikenidamiwin, oma ijan ka iji mazinaziwak Internet nidanan « wi tibakonegwin kak ».

deontologie-policiere.gouv.qc.ca

Medjitwewini Tibakonigewin takonewiwin

Medjitwewini Tibakonigewin takonewiwin otisikagon acitc oga kijigadan kawi tibakongedjin ka noswamadamatc inakonigewina kidji mino inendagozindjin takonewinik Quebec aki kak.

Okwinomin wetotenawidjik ka nagadjitowatc tibenindizok kawin takonewiniwinan o meyasewinigowan.

Awenenak awayok ka noswadamawatc takonewiwina inakonigewina Quebec aki kak?

- Kakina takonewinik Quebec (kawin ka mikimowatc kitci ogima takonigewinik Kanada kak. (GRC ka ijinikaziwatc);
- Takonewinik onadjida enabidiziwatc (tibakonegwamik, kitci ogima migwamik, kodigiwon acitc;
- Amikwaneniwak;
- kitci odaban acitc ka kijigabidamatc;
- Ka nida kikenidamatc – ka nida kikenidamatc agwa kidji madji inakamizinawak acitc ka nida kikenidamatc pakan ka tibanawewihotc.

Inakonegwin abidan apitc wewinok e mikamowatc acitc e nanagidjiwadjin kakina awiyen.

ki nidenidan kidji widokagowin.

Kicpin wi nida kikenidamiwin kona kicpic kidji widokagowin kidji ojibiyamin e wi tibakonigewin.

Kakackiton kidji pijahin ka iji padakisik ka iji mikomiyak Quebec kona Moniak: agwa mamkatc kidji kikindiwin metsoni kijigak nac e tcibatik kijigak, 8:30 nac 12 :00 tasidabiginek. kidji nidenimigowin, e metsoni kijigak nac e tibatik kijigak 13:30 nac 16:30 (Kicpin dac wi kikindiwin panima kiga inesidjige kanige nigo kijigak 24 tasidibiganminagik).

Quebec

2535, boul Laurier, bureau 1.06
Quebec (odena) Quebec. G1V 4M3
Inesidjigan: 418 643 7897.
Ijinijiwebigan: 418 528 9473.

Moniak

2050, Bleury mikina, bureau 7.50
Moniak (Quebec) H3A 2J5
Inesidjigan: 514 864 1784 .
Ijinijiwebigan: 514 864 3552

Tibakonigewin takonewiwin Quebec kiga ojibiyani Internet abidjitowin:

deontologie-policiere.gouv.qc.ca
deontologie-policiere.quebec@msp.gouv.qc.ca

inesidjigan: **1 877 237-7897**

Gwayak kidji mino inenidagoziwin, megwatc manadjidiwin kakina e iji pagidenidagozitec.

Commissaire
à la déontologie
policière

Québec



Commissaire
à la déontologie
policière

Québec



Takonewinini wi tibakonitc ka kijigabidak takonewiwina kidji mino inendagozindjin.